

Skalski Ioannes Antonius

Odymalski Stanislawi Annuntialis triumphus

ad regale sacerdotium ascensus.

PANEG. et VITAE

Polon. Fol.

Nº 1216

A

I

D

B.

In

ANNUNTIATIO TRIVMPHALIS

AD REGALE SACERDOTIVM ASCENSVS,

ILLVSTRIS & ADMODVM REVERENDI DOMINI,

D. IOANNIS ANTONII

SKALSKI,

Ecclesiæ Archipresbyteralis

B. MARIÆ VIRGINIS,

in Circulo Cracoviensi, Pœnitentiarij,

VIRTVTIBVS & SAPIENTIA CONSPICVI.

Dum,

In Ecclesia Parochiali Vieliciensi, Sancti
CLEMENTIS, PAPÆ & MARTYRIS,

ipso Annuntiationis B. M. V.

Festo, Primitias DEO, in Agno Immaculato,

OFFERRET.

In debitæ Observantiæ & applausûs gratulatorii argumentum;

Præsente frequentissimâ Illustrium Hospitum Coronâ.

M. STANISLAO ODYMALSKI,

In Alma Universitate Cracoviensi, Philosophiæ

Doctore & Professore, interea Scholæ Vieliciensis.

SENIOR E,

Stylo Elogiastico,

INSTITUTA.

Anno Domini 1700.



ANNUNTIATIO.

Triumphalis ad Regale Sacerdotium, ascensûs.

Orbis Victores,

quos, triumphalibus, prisca vetustas,
vexit in curribus, cedite.

Xerxes Themistoclem, Darium Alexander,
Gallos Cæsar, Bellerophon Chimæram, Hercules
Hydram, Theseus Minotaurum, Aristeus
Proteum, Cadmus Draconem, superaverint
licet.

Tanti tamen triumphi fama vocalis,
Perijt cum sonitu.

Seculi contemptores, Musa vetat mori.
Horum laudes & elogia,
Terrena & cælestia

nuntiant.

Intuentur isti quidem illa omnia,
quæ in ictu oculi, transeunt,
& velut umbra fugiunt.

Pars tamen eorum æthereæ,
Supra omne punctum

In æternitatis mensura,

Abyssum habet, non momentum.

Iuvat illos,

Triumphalis ascensus.



Sed qui arduo Virtutis cli vo,

Deum habet pro meta.

Pulchra portio gloriæ,

eorum pertentat pectora;

Ad quam,

Per consummatæ eruditionis tramitem, itur:

Eiusmodi ad sacerdotii Regalis apicem

Triumphalem Tuum

Nullus non videt ascensum,

ILLVSTRIS & ADMODVM REVERENDE DOMINE,

IOANNES ANTONI

SKALSKI,

Ecclesiæ Archipresbyteralis

BEATÆ MARIÆ VIRGINIS,

in circulo Cracoviensi

Pœnitentiariæ Dignissime,

TIBI certè,

quantumvis indulgentia fortunæ multa concessisset bona,

Tu nihilominus æstimasti blanda

hæc irritamenta malorum;

Minora esse, Regis Regum obsequiò,

Nulla Tibi unquam veniebat hora,

quæ Te in meditatione immortalium non invenisset.

Nimirum,

Sic Te sapere, sic meditari,

pietas in Deum docuit; quæ Tibi à teneris, dilecta,

animum Tuum bene compositum,

Ab onere tanto, Angelicis etiam humeris formidando;

non deterruit,

sed pellexit.

Hanc Tibi

instillavit Virtutis & Sapientiæ Mater,
Alma nostra Vniversitas Cracoviensis,
à cuius Doctissimorum spiritu Professorum,
Seria Tibi in Studiis & Vigilans ubiq; anima,
seu

potius animatum probitatis exemplar fuerat.
Hinc non decessit quidquam encomio Tuo,
quod vel ab ipsa Lucina,

Vrbis Coronatricis,

(*Vbi grandes animæ Regum, fessiq; quiescunt imperio manes*)
lucem gloriæ nanciscitur.

Hoc quòq; grande laudis Tuæ auctoramentum est,

Quod

A

Magnifico olim ac Generoso Domino,

L A V R E N T I O

à Granov

W O D Z I C K I.

Pocillatore Varfaviensi, Salisfodinarum Vie-
liciensium & Bochnensium Generali Administratore,

ad publica munia Vocatus,

illis dextrè ac laudabiliter tot annorum spatio peractis,
altius in culmen honoris

Ecclesiastici, mirabili ordinatione Divinâ
proueharis.

Desponsauit Te Sibi Dominus,
nunc arctiori Sacramento,

& pro mortali sponfa,

• Mysticam Tibi & immortalem Deiopeiam,
Ecclesiam copulavit.

Pro

Probatam Virtutem Tuam, provexerunt firma Ecclesiæ Dei Columna.

ILLVSTRISSIMVS & REVERENDISSIMVS DOMINVS,

D. GASPARI CIENSKI,

Decanus Ecclesiæ Cathedralis Cracoviensis,

SEDE VACANTE EPISCOPATVS CRACOVIENSIS,

& Ducatus Severiensis Generalis Administrator &c:

quem innocentia vitæ, & gesta auro cedroq; notanda,

ac immortalitate digna superis æquant.

PERILLVSTRIS & REVERENDISSIMVS DOMINVS

De Minsko

D. VLADISLAVS OPACKI,

Sacræ Theologiæ, & Iuris Vtriusq; Doctor,

Ecclesiæ Cathedralis Cracoviensis Archidiaconus,

Præpositus Koscielenensis, S. R. M. Secretarius &c.

qui,

Solis Aquinatici corrusco lumine ac Divæ Themidos

Oraculis, Orbem Collustrat Lecheum.

PERILLVSTRIS & REVERENDISSIMVS DOMINVS,

PETRVS STANISLAVS ORLOWSKI,

Protonotarius Apostolicus, Ecclesiæ Cathedralis Cracovi-

ensis Canonicus, Præpositus Infulatus, & Officialis

perpetuus Tarnoviensis &c:

qui,

ceu in concussa petra firmat Ecclesiam DEI,

Virtutum & Scientiarum Idæa.

Sed quid ego generali Virtutum Tuarum

apothecosim texere contendo?

Eminet in Te speciali modo pandens domum

Omnipotentis Olympi

Singularis liberalitas;

qui manus habens tornatiles aureas

plenas honorum operum hyacinthis,

grandinem auream in egenos depluens,

Vir ab aureo ævo designaris.

Loquitur tuam in se munificentiam,

Sacra hæc Basilica,
ad Cuius aram,
incruentum istud æterno Numini Sacrificium,
vice prima immolas.

Delicatissima Tibi illius amoris portio,
cuius splendorem & decorem
supra omnia gemmarum pondera æstimas,
Supellectili Sacra
eandem adornando,
Pulcherrima dos affabilitas,
verecundus cum modestia rubor,
animi temperies,

faciunt Te

I O A N N E M

Cuiq; gratiosum.

Plaudit hodie Sacro honori Tuo,
non tantum Nobilissima hæc Illustrium hospitem Corona,
verum etiam choris Angelorum stipata,

Virgo Sanctissima & Mater intacta,

Cui,

dum Archangelus Gabriel, lætum occinit Ave,

illa Tibi DEVM Majestatis,

puris tractanti manibus,

fluenta gratiarum immittendo,

triumphalia Cæli nunciat.

Ego quoq;

Nuncius Tuæ amplitudinis tantæ

Mæonides Tuus,

animum meum Tibi in vota solvo,

Prodeat hæc in Te,

& altius assurgat

habeatq; superos faventes,

quos

quos eximia pietate Tua, & cultu maximo,

Tibi propitios reddis.

Quamobrem vive Ecclesiæ DEI,

Cui hodierno Sole

Casto iungeris fœdere.

Vive diu amicis,

ac Nobilissimis Hospitibus,

qui Tua Primitiarum Solennia

exornant, quos inter, venerari licet,

Perillustrem, Clarissimum & Admodum Reverendum Dominum

M. ADAM STIRKOWSKI,

Iuris vtriusq; Doctorem & Professore,

Protonotarium Apostolicum,

Ecclesiæ Collegiæ Cracoviensis Sanctorum Omnium

Cancellarium, Primicerium Tarnoviensem,

Præpositum Sancti Iacobi Casimiræ

ad Cracoviam,

quem velut ex Tripode

oracula loquentem,

tot negotiorum molimina

actui præsentis non subtraxerunt.

Vive Patriæ,

quæ tanti honoris Tui accessione

recreata,

in mille gaudiorum Solatia

prorumpit.

Ergo

Vivas Nestoreos, opto Vir maxime Soles,

Et superes Priami secula mille senis,

Alius in Culmen, uirtus Te tollat honoris,

Atq; tuis meritis, gloria pandat iter.

P L A V S V S
Læticiæ Publicæ,
ad Solennia Primitiarum,
ILLVSTRIS & ADMODVM REVERENDI DOMINI
IOANNIS ANTONII
S K A L S K I,
Pænitentiarij in Circulo B. M. V. Crac:
Parentis ac Benefactoris Colendissim.,
ob ALBERTO SKALSKI Studio Scholæ Vieliciensis
Filialis observantiæ.

Ergo

E X P R E S S V S.

*Plaudite Pierides cantus, dulcesq; movete,
Cum Genitor carus culmina celsa petit,
Dignus honor superis, molimina magna requirit
Quem meritis partum, Tu Benefactor adis
Permissum splendore decus, celoq; sacratum
Contulit æternus nunc Tibi quippe DEVS,
Inconcussa Tuum Virtutis Regia pectus
Occupat, & sapiens regnat in ore, lepos.
Ergo Tibi superi faciles per ora favores
Concedant, Vivas Pylia secla, precor.*



Permissu Magnifici Domini
R E C T O R I S.

7.22.11.5

MINI

I

I,

ac:

iensis

UNIV.

ME



